

Rheoli Pobl – Polisiau a Chanllawiau

Geirdâu Cyflogaeth – Canllawiau

Hydref 2018



EICH CYNGOR arleinamdani
www.sirgar.llyw.cymru

YOUR COUNCIL doitonline
www.carmarthenshire.gov.wales

CYNNWYS

	Tudalen
Cyflwyniad	3
Pam gofyn am eirdâu?	3
Pryd rydym yn gofyn am eirdâu a chan bwy?	3
Pa wybodaeth rydym yn gofyn amdani gan ganolwyr?	4
Beth i'w wneud wedi i eirdâu ddod i law	4
Swyddi sy'n cynnwys gwaith mewn "gweithgaredd a reoleiddir" neu gyda grwpiau agored i niwed	4
Geirdâu dros y Ffôn	5
Beth i'w wneud os yw'r geirda yn anfoddhaol, yn anghyflawn neu'n codi pryderon	6
Geirda a'r Rheoliad Diogelu Data Cyffredinol (GDPR)	6
Beth i'w wneud os cewch gais am roi geirda	7
Canlyniadau posibl torri'r ddyletswydd gofal	8
Awgrymiadau defnyddiol ar gyfer llunio'r geirda	8
Rhoi geirda dros y ffôn	9
Gofyn am Dempled ar gyfer Geirda	10
Darparu Templed Safonol ar gyfer Geirda	13

CYFLWYNIAD

1. Mae'r Canllawiau hyn wedi'u hanelu at reolwyr sy'n gyfrifol am recriwtio a'r rheiny y gofynnir iddynt o bosibl roi geirda ar gyfer gweithiwr presennol neu gyn-weithiwr.

GOFYN AM EIRDÂU YN YSTOD Y BROSES RECRIWTIO

Pam gofyn am eirdâu?

2. Mae geirdâu yn rhan bwysig o'r broses recriwtio a dethol gan eu bod yn cadarnhau hanes cyflogaeth, cymwysterau a phrofiad ymgeisydd. Dim ond un ran o'r broses ddethol yw geirdâu a dylid eu defnyddio i wirio ffeithiau, hanes cyflogaeth, cymwysterau ac ati. Dylid dibynnu ar ddata/gwybodaeth ffeithiol yn unig, ac nid barn oddrychol, o ran gallu neu berfformiad.

Pryd rydym yn gofyn am eirdâu a chan bwy?

3. Ac eithrio staff a gyflogir mewn ysgolion, dylid gofyn am eirdâu yn dilyn cyfweiliadau a dewis yr ymgeisydd rydych am ei benodi. Rhaid i gyflogwyr gael cydsyniad yr ymgeisydd i gysylltu â chanolwr ac ni ddylid gofyn am unrhyw eirda ar gyfer swydd heb ganiatâd penodol y darpar weithiwr, gan y byddai hynny'n mynd yn groes i hawliau'r unigolyn dan GDPR (rheoliadau Diogelu Data). Dylai rheolwyr byth geisio gwneud "ymholiadau cyfrinachol" am ddarpar weithiwr, boed hynny ar y ffôn neu'n ysgrifenedig, waeth pa mor ddefnyddiol y credant y gallai ymholiadau o'r fath fod.
4. Mae angen **dau** eirda ar gyfer ymgeiswyr **allanol**. Rhaid i gyflogwr presennol yr ymgeisydd ddarparu'r rhain (os yw mewn gwaith) a'i gyn-gyflogwr. Os nad yw'r ymgeisydd mewn gwaith, dylid defnyddio'r cyflogwr mwyaf diweddar. Mae'n bwysig mai'r **rheolwr llinell uniongyrchol** yw'r canolwr a enwir ac nid cydweithiwr neu gyfaill iddynt yn y gwaith. Mae'r rheolwyr sy'n recriwtio yn gyfrifol am wirio bod y canolwyr cywir wedi'u darparu a bod ymchwil wedi'i gwneud i unrhyw fylchau mewn cyflogaeth. Gellir gwneud hyn yn y cyfweiliad. Gallai methu â gwneud hyn arwain at oedi'r broses benodi.
5. Lle nad yw ymgeisydd wedi bod mewn gwaith yn union cyn gwneud cais am swydd gyda'r Cyngor, efallai yr hoffech gysylltu â'r cyflogwr mwyaf diweddar yn ogystal â'r canolwyr a nodwyd ar y ffurflen gais.
6. Os yw'r ymgeisydd yn **hunan-gyflogedig** gall roi enw rhywun sydd wedi ei adnabod yn rhinwedd ei swydd, megis cyfrifydd neu gyfreithiwr.
7. Os nad yw'r ymgeisydd wedi cael ei gyflogi o'r blaen, yna gellir derbyn geirda personol yn ogystal â geirda gan ysgol neu goleg yr ymgeisydd. Sicrhewch nad yw'r canolwr personol yn perthyn i'r ymgeisydd.
8. Ni ddylid derbyn geirdâu neu dystlythyrau agored a ddarperir gan yr ymgeisydd neu eirdâu gan berthnasau. (Cysylltwch â'ch Ymgynghorydd Adnoddau Dynol / Recriwtio i gael cyngor).

9. Ar gyfer **gweithwyr presennol** sy'n gwneud cais am swyddi, dim ond **un** geirda gan y rheolwr llinell presennol y gofynnir amdano (oni bai bod y Rheolwr Recriwtio yn gwneud cais penodol am eirdâu ychwanegol). Os taw'r Rheolwr Recriwtio yw'r rheolwr llinell presennol hefyd, nid oes angen gofyn am eirda ffurfiol oherwydd tybir bod y rheolwr yn fodlon ar berfformiad ac ati ei weithiwr. Ond nid yw hyn yn cynnwys ymgeiswyr mewnol sy'n gwneud cais am swyddi lle gweithir gyda phlant, pobl ifanc a/neu oedolion mewn perygl lle mae gofynion statudol yn bodoli neu lle mae angen dilysu ac adolygu geirdâu ychwanegol i sicrhau bod yr ymgeisydd yn addas i weithio yn y maes hwn.
10. Mae gwybodaeth ar gael ar ein tudalennau swyddi i helpu ymgeiswyr i ddewis canolwr priodol.

Pa wybodaeth rydym yn gofyn amdani gan ganolwyr?

11. Os ydych yn defnyddio Gwasanaeth Recriwtio y Cyngor, bydd y Tîm yn gofyn am eirdâu gan ddefnyddio templed safonol (Tudalen 10). Mae'r templed hwn wedi'i ddylunio i ofyn cwestiynau penodol sy'n ymwneud â'r ymgeisydd. Os, am ryw reswm, byddwch yn cysylltu â chanolwyr yn uniongyrchol, dylech ddefnyddio'r templed hwn bob amser.

Beth i'w wneud wedi i eirdâu ddod i law

12. Cyfrifoldeb y Rheolwr Recriwtio yw gwirio geirdâu yn ofalus a sicrhau bod y wybodaeth a ddarperir yn ddigonol i alluogi penderfyniad i gael ei wneud.
13. Os bydd y wybodaeth a ddarperir heb fod yn ddigonol neu os bydd pryderon yn codi yn ei sgil, gallech wneud galwad ffôn neu anfon e-bost i'r canolwr. Gofynnwch am gyngor gan eich Ymgynghorydd Adnoddau Dynol neu Ymgynghorydd Recriwtio. Gweler paragraffau 21 i 24.
14. Pan fyddwch yn fodlon ar y geirdâu a phan fydd gwiriadau cyn-gyflogaeth eraill wedi eu cwblhau, byddwch yn gallu cadarnhau'r cynnig o gyflogaeth i'r ymgeisydd a chytuno ar ddyddiad dechrau.
15. **Os bydd Canolwr yn gwrthod darparu geirda**, argymhellir eich bod yn ceisio cydsyniad yr ymgeisydd i gysylltu â chyflogwr neu berson arall a all wirio'r wybodaeth a ddarparwyd. Gwnewch nodyn bod y canolwr wedi gwrthod a'r rhesymau pam lle bo hynny'n bosibl.

Swyddi sy'n cynnwys gwaith mewn "gweithgaredd a reoleiddir" neu gyda grwpiau agored i niwed

16. Yn achos swyddi mewn ysgolion a'r rheiny lle ceir mynediad i blant, pobl ifanc a/neu oedolion mewn perygl, mae'r Cyngor yn cadw'r hawl i gysylltu â chyflogwyr eraill a enwir yn y cais.
17. Yn achos ymgeisydd nad yw'n gweithio gyda phlant, pobl ifanc a/neu oedolion mewn perygl ar hyn o bryd, ond sydd wedi gwneud hynny yn y

gorffennol, rhaid cael geirda hefyd gan gyflogwr diwethaf yr ymgeisydd lle roedd yn gweithio gyda phlant, pobl ifanc a/neu oedolion mewn perygl, fel sy'n briodol.

18. Argymhellir bod ysgolion yn ceisio 2 eirda gan yr holl ymgeiswyr sydd ar y rhestr fer cyn y cyfweiliad. Ceir canllawiau pellach drwy fynd i [Ganllawiau Llywodraeth Cymru Cadw Dysgwyr yn Ddiogel](#)

Geirdâu dros y Ffôn

19. Ni ddylid byth ddefnyddio geirdâu dros y ffôn yn lle cais am eirda ysgrifenedig. Fodd bynnag, efallai y bydd adegau pan fydd angen cysylltu â chanolwr dros y ffôn, gan gynnwys:

- Lle bo'r wybodaeth a gynhwysir yn y geirda ysgrifenedig yn amwys neu'n annigonol
- Os ydych yn recriwtio i swydd lle ceir mynediad i blant, pobl ifanc a/neu oedolion mewn perygl a lle bo angen geirda dros y ffôn i gadarnhau dilysrwydd a/neu egluro unrhyw anghysondebau.

20. Mae'r rhestr wirio ganlynol yn ddefnyddiol i'w dilyn wrth gysylltu â chanolwr dros y ffôn:

- Cynlluniwch ymlaen llaw a byddwch yn glir ynghylch y wybodaeth rydych yn ei cheisio
- Sicrhewch eich bod yn siarad â'r person cywir a mwyaf priodol
- Gofynnwch gwestiynau ffeithiol yn unig gan ddefnyddio'r templed geirda a ddarparwyd gyda'r canllawiau hyn (tudalen 10)
- Cofiwch mai dim ond hyn a hyn o wybodaeth neu wybodaeth sylfaenol y bydd y canolwr yn barod i'w darparu o bosibl
- Cymerwch nodiadau a gwnewch gofnod cywir o'r sgwrs

Os taw swydd lle gweithir gyda phlant, pobl ifanc neu oedolion mewn perygl yw hi, dylid gofyn y cwestiynau ychwanegol canlynol:

- Beth yw barn y canolwr ynghylch pa mor addas yw'r ymgeisydd i weithio gyda phlant, pobl ifanc neu oedolion mewn perygl;
- A oes unrhyw rybuddion disgyblu, gan gynnwys rybuddion sydd wedi dyddio, sy'n ymwneud â diogelu plant, pobl ifanc a/neu oedolion mewn perygl;
- A yw'r canolwr yn credu bod yr ymgeisydd yn addas i'r swydd y mae'n gwneud cais amdani

21. Mae nodiadau'r geirda dros y ffôn yn rhan o'r broses recriwtio a dylid eu hanfon i'r Tîm Recriwtio er mwyn cadw cofnod.

Beth i'w wneud os yw'r geirda yn anfoddhaol, yn anghyflawn neu'n codi pryderon

22. Weithiau gall geirda ddod i law sydd fel pe bai'n gwrth-ddweud y wybodaeth a ddarparwyd gan yr ymgeisydd neu'n awgrymu perfformiad neu ymddygiad anfoddhaol mewn swydd flaenorol.

Nid yw hyn yn golygu o reidrwydd na ddylech gynnig cyflogaeth i ymgeisydd ac mae'n bwysig eich bod yn cymryd amser i ystyried:

- A yw'r wybodaeth a ddarparwyd yn berthnasol i'r swydd mae'r person wedi mynd amdani?
- A yw'r wybodaeth yn gwneud yr unigolyn yn anaddas ar gyfer y swydd? Pam?
- Pa mor ddiweddar yw'r wybodaeth?
- A yw'r swydd flaenorol yn debyg i'r un rydych wedi ceisio geirdâu ar ei chyfer?

23. Ni ddylech gymryd yn ganiataol fod yr ymgeisydd am y swydd wedi rhoi gwybodaeth anghywir neu gamarweiniol, a dylech geisio eglurhad gan yr ymgeisydd cyn gwneud penderfyniad lle bo hynny'n bosibl. Dylech geisio cyngor gan Adnoddau Dynol, yn enwedig os yw'r geirda'n cynnwys gwybodaeth am faterion disgyblu neu bryderon am ddiogelu, neu os yw'n datgelu collfarnau.

24. Wrth drafod unrhyw anghysondebau gyda'r ymgeisydd, dylech ofalu eich bod yn diogelu cyfrinachedd y canolwr. Siaradwch â'ch Ymgynghorydd Adnoddau Dynol neu'r Tîm Recriwtio i gael cyngor.

Geirdâu a Rheoliad Diogelu Data Cyffredinol (GDPR)

25. Yn achlysurol gall ymgeiswyr am swyddi neu weithwyr ofyn am i eirdâu (gan y darparwr neu'r person sy'n eu derbyn) yn eu cylch gael eu rhyddhau dan ddarpariaethau "cais gwrthrych am wybodaeth" y rheoliadau diogelu data.
26. Nid oes rhaid i gyflogwr ryddhau'r wybodaeth hon gan ei bod wedi'i heithrio o'r darpariaethau hyn. Am y rheswm hwn, nodir "Cwbl gyfrinachol – geirda cyflogaeth" ar dempled geirda y Cyngor. Yn ogystal, wrth ddarparu geirda, dylid defnyddio'r un geiriau.
27. Er y gall cyflogwyr ddibynnu ar yr eithriad hwn i wrthod datgelu geirda i'r unigolyn, gall cyflogwr benderfynu bod yn agored a darparu copi beth bynnag. Dylai ystyried a fyddai'r datgeliad hefyd yn datgelu pwy yw unigolyn arall (sef awdur y geirda). Efallai y bydd y cyflogwr yn penderfynu datgelu'r geirda os bydd yr unigolyn arall sydd dan sylw yn cydsynio i hyn, neu os gellir celu pwy ydyw ef neu hi. Dylid ystyried pob achos yn ôl ei rinweddau. Dylech geisio cyngor gan eich Ymgynghorydd Adnoddau Dynol.

DARPARU GEIRDÂU AR GYFER GWEITHWYR PRESENNOL NEU GYN-WEITHWYR

Beth i'w wneud os cewch gais am roi geirda

28. Er nad oes unrhyw reidrwydd cyfreithiol i roi geirda, polisi'r Cyngor yw rhoi geirda gan ddefnyddio'r templed geirda y cytunwyd arno (Tudalen 14).
Peidiwch ag ymateb gan ddefnyddio unrhyw dempled neu fformat arall.
29. Dim ond Rheolwr Llinell neu Ymgynghorydd Adnoddau Dynol / Recriwtio ddylai ymateb i gais am eirda.
30. Mae gan y sawl sy'n rhoi'r geirda **ddyletswydd gofal** i'r gweithiwr/cyn-weithiwr ac i'r darpar gyflogwr, a rhaid iddo/iddi sicrhau bod y geirda'n gywir ac yn ffeithiol. Ni ddylid mynegi barn bersonol.
31. Dylid cyfeirio ceisiadau am eirda gan gyrrff **allanol** at eich Ymgynghorydd Recriwtio / Adnoddau Dynol yn y lle cyntaf. Sicrhewch fod gwir angen ceisio geirda ar y person neu'r sefydliad sy'n gofyn am y geirda.
32. **Dilynwch y templed geirda** a sicrhewch eich bod ond yn darparu'r wybodaeth y mae hawl ei rhoi ac y gellir ei chefnogi gan **ffeithiau** sy'n hysbys i'r gweithiwr/cyn-weithiwr. Peidiwch â darparu unrhyw wybodaeth ychwanegol.
33. Rhaid i bob cais am eirda lle ceisir asesiad o addasrwydd i weithio mewn gweithgaredd a reoleiddir neu gyda oedolion/plant sy'n agored i niwed gael eu hanfon at eich Ymgynghorydd Recriwtio / Adnoddau Dynol.
34. Peidiwch **byth** â chynnwys gwybodaeth am gollfarnau troseddol (sydd wedi darfod neu sydd heb ddarfod) sydd wedi'u datgelu i chi drwy wiriad y Gwasanaeth Datgelu a Gwahardd neu'n uniongyrchol gan y gweithiwr/cyn-weithiwr. Cyfrifoldeb y cyflogwr newydd yw gofyn am y wybodaeth hon yn uniongyrchol gan yr ymgeisydd neu drwy'r Gwasanaeth Datgelu a Gwahardd os yw hynny'n ofynnol gan y swydd.
35. Cyfeiriwch y geirda at y canolwr a enwyd bob tro i sicrhau taw dim ond y person hwnnw fydd yn ei weld.

Canlyniadau posibl torri'r ddyletswydd gofal

36. Gall gweithiwr neu gyn-weithiwr siwio'r Cyngor os yw'n credu bod geirda wedi'i roi'n esgeulus gan arwain at dynnu cynnig o swydd yn ôl neu at golled arall. Mae nifer o achosion lle mae gweithwyr wedi llwyddo i wneud hawliad ac wedi cael setliad ariannol gan fod y cyflogwr wedi methu darparu geirda gwir a chywir. Dyma pam ei bod yn bwysig cadw at y ffeithiau ac osgoi barn bersonol a/neu oddrychol.
37. Gall hawliadau gwahaniaethu godi hefyd lle gellir cysylltu gweithredu ar ran y cyflogwr (neu ddiffyg gweithredu) wrth roi geirdâu â nodwedd

warchodedig¹ fel y nodir yn Neddff Cydraddoldeb 2010. Er enghraifft, os taw'r rheswm dros wrthod rhoi geirda neu wneud datganiadau negyddol mewn geirda oedd am fod gweithiwr neu gyn-weithiwr wedi gwneud hawliad am wahaniaethu ar sail hil yn erbyn y cyflogwr, gellid dehongli bod hyn yn weithred o erledigaeth a fyddai'n gyfystyr â gwahaniaethu hiliol anghyfreithlon.

38. Byddwch yn ymwybodol wrth roi geirda i weithiwr neu gyn-weithiwr sydd wedi newid ei ryw. Er y bydd y dull a chynnwys y geirda yn union yr un peth, dylid cymryd gofal wrth ddefnyddio'r enwau a'r rhagenwau. Trafodwch hyn gyda'r gweithiwr neu'r cyn-weithiwr yn gyntaf a mynnwch gyngor gan eich Ymgynghorydd Adnoddau Dynol os oes angen.

Awgrymiadau defnyddiol ar gyfer llunio'r geirda

39. Dylid seilio'r geirda a roir ar ffeithiau ac osgoi unrhyw oddrychedd. Dyma rai enghreifftiau i ddangos y gwahaniaeth rhwng datganiad ar sail ffeithiau a datganiad goddrychol.

Enghreifftiau o ffeithiau	Enghreifftiau o ddatganiadau goddrychol/amhendant/barn
Cafodd Jim sgôr o 2 ar raddfa o 1-5 (1 oedd yr isaf a 5 oedd yr uchaf) yn ei arfarniad perfformiad mwyaf diweddar (<i>nodwch y flwyddyn</i>)	Barnwyd bod gwaith Jim yn anfoddhaol
Rhodddwyd rhybudd ysgrifenedig cyntaf i Hannah ynghylch prydlondeb (<i>nodwch y dyddiad</i>)	Roedd Hannah yn hwyr i'r gwaith yn aml yn y boreau
Cafodd Jack ei ddiswyddo o'r cwmni am ymladd â chydweithiwr	Nid oedd ymddygiad Jack yn y gwaith yn wych o bell ffordd
Roedd Kate yn goruchwyllo chwe aelod o staff ac mae ei harfarniadau'n dangos bod ganddi sgiliau rheoli pobl gwych.	Roedd Kate yn goruchwyllo chwe aelod o staff ac rydym yn meddwl fod ganddi sgiliau rheoli pobl da iawn
Roedd Jayne wedi cydymffurfio â phump allan o'i 12 terfyn amser misol yn 2012	Nid oedd Jayne yn ddibynadwy

¹ oedran, anabledd, ailbennu rhywedd, priodas a phartneriaeth sifil, beichiogrwydd a mamolaeth, hil, crefydd neu gred, rhyw a cyfeiriadedd rhywiol.

RHOI GEIRDA DROS Y FFÔN

40. Cyn cytuno i roi geirda dros y ffôn, cofiwch:

- ✓ Nid oes y fath beth â thrafodaeth "heb gofnod" neu drafodaeth gyfrinachol. Dylech drin y drafodaeth yr un peth â phetaech yn rhoi geirda ysgrifenedig.
- ✓ Cadwch at y wybodaeth y byddech yn ei rhoi mewn geirda ysgrifenedig (defnyddiwch y Templed fel eich rhestr wirio).
- ✓ Ffoniwch y person sy'n gofyn am y geirda bob amser. Peidiwch â rhoi'r wybodaeth hyd nes eich bod yn fodlon bod rheswm dilys gan y person hwn dros ofyn am eirda.
- ✓ Gwnewch nodyn o enw a theitl swydd y person rydych yn siarad ag ef, y corff mae'n ei gynrychioli, y rhif ffôn a chyfeiriad e-bost, dyddiad ac amser y sgwrs a'r rheswm mae wedi gofyn am eirda.
- ✓ Gwnewch nodiadau o'r wybodaeth rydych yn ei rhoi.

41. Anfonwch gopi o'ch nodiadau i'r Tîm Recriwtio ar gyfer eu cofnodion.

**Cwbl gyfrinachol – geirda cyflogaeth
Cais am Eirda**



Mae'r person hwn wedi gwneud cais am swydd gyda ni ac wedi eich enwi chi fel canolwr. Byddem yn ddiolchgar pe baech yn cwblhau cymaint â phosibl o'r ffurflen hon ac yn ei dychwelyd at:

Enw'r Ymgeisydd:	
Cyfeiriad yr Ymgeisydd:	
Y Swydd y Gwnaed Cais Amdani:	
Sut ydych yn adnabod yr ymgeisydd?	Proffesiynol / Personol*
Nodwch ers pryd rydych wedi adnabod yr ymgeisydd.	

Os ydych yn gyflogwr ar yr ymgeisydd neu wedi bod yn gyflogwr arno/arni yn y gorffennol, a wnewch chi gadarnhau'r canlynol:

Ai chi yw rheolwr llinell presennol neu ddiweddaraf yr ymgeisydd?		le Nage*
Cyfnod cyflogaeth:	O dd/mm/yyyy	tan dd/mm/yyyy
Dyddiad dechrau'r cyfnod o wasanaeth di-fwlch ym maes Llywodraeth Leol (os yw'n berthnasol):		dd/mm/yyyy
Teitl y Swydd:		
Y Math o Gontract:	Llawn-amser/Rhan-amser*	
Nifer y dyddiau / wythnosau a rannwyd / absenoldeb rhiant a gymerwyd (os yw'n berthnasol):		
Rheswm dros adael (os yw'n berthnasol):		

A oes camau gweithredu / sancsiwn ffurfiol o ran disgyblu / gallu ar waith neu yn yr arfaeth yn erbyn yr ymgeisydd (gan gynnwys bod ymchwiliad yn cael ei gynnal):	Oes / Nac oes*
Os taw Oes oedd eich ateb, rhowch ragor o fanylion:	
Os yw'r ymgeisydd wedi gadael eich cyflogaeth, a oedd camau gweithredu / sancsiwn ffurfiol o ran disgyblu / gallu ar waith neu yn yr arfaeth yn erbyn yr ymgeisydd, neu a oedd ymchwiliad yn digwydd pan adawodd eich cyflogaeth:	Oedd / Nac oedd*
Os taw 'Oedd' oedd eich ateb, rhowch ragor o fanylion:	

OS YW GWEITHIO GYDA PHLANT, POBL IFANC NEU OEDOLION AGORED I NIWED YN RHAN O'R SWYDD Y CEISIR AMDANI, LLENWCH YR ADRAN GANLYNOL.

Tra oedd yr ymgeisydd yn eich cyflogaeth, a oedd yn destun unrhyw faterion yn ymwneud â diogelwch a lles plant, pobl ifanc neu oedolion mewn perygl, gan gynnwys unrhyw un y mae sancsiwn o ran disgyblu wedi dod i ben yn ei gylch a chanlyniad y rhain? Oedd Nac oedd
Os taw 'Oedd' oedd eich ateb, rhowch ragor o fanylion:
A ydych yn ymwybodol o unrhyw honiadau neu bryderon sydd wedi cael eu codi am yr ymgeisydd sy'n ymwneud â diogelwch a lles plant, pobl ifanc neu oedolion sydd mewn perygl neu ymddygiad tuag atynt? Ydw / Nac ydw*
Os ydych, rhowch ragor o wybodaeth gan gynnwys a ymchwiliwyd i'r mater(ion), y casgliad a sut yr unionwyd y mater.
A ydych yn gwybod am unrhyw reswm pam nad yw'r ymgeisydd yn addas i weithio gyda phlant, pobl ifanc neu oedolion mewn perygl? Ydw Nac ydw *
Os taw Ydw oedd eich ateb, rhowch ragor o fanylion

Os ydych yn rhoi'r geirda yn rhinwedd eich swydd, gan ddefnyddio'r Proffil Swydd a'r Fanyleb Person fel canllaw, rhowch wybodaeth ffeithiol am addasrwydd yr ymgeisydd ar gyfer y swydd.

Os ydych yn rhoi geirda i rywun rydych yn ei adnabod yn bersonol, defnyddiwch y blwch isod i fanylu ar y sgiliau, y wybodaeth a'r profiad sydd gan yr ymgeisydd a allai fod yn berthnasol i'r swydd y gwneir cais amdani.

Ewch ymlaen ar ddalen ar wahân os oes angen.

Llofnod: _____

PRINTIWCH
YR ENW: _____

Teitl y Swydd: _____

Dyddiad: _____

Stamp y Cwmni:

Diolch yn fawr ichi am dreulio amser yn llenwi'r ffurflen hon. Dychwelwch at:

RHOI GEIRDA

Dylid defnyddio'r templed hwn bob amser pan fydd cais am eirda wedi dod i law. Peidiwch â darparu geirda ar unrhyw ffurf arall.

Cwbl gyfrinachol – geirda cyflogaeth

<Dyddiad>

<Enw a chyfeiriad>

Annwyl Syr neu Fadarn

<ENW'R YMGEISYDD>

Diolch i chi am eich cais diweddar am eirda i'r person uchod. Polisi Cyngor Sir Caerfyrddin yw darparu'r wybodaeth ffeithiol ganlynol yn unig ar gyfer gweithwyr presennol neu gyn-weithwyr:

Cyflogwyd o:

Cyflogwyd hyd at:

Teitl y swydd(i):

(Rhestrwch bob un os delir mwy nag un swydd a'r dyddiadau)

Dyletswyddau allweddol yn y swydd

ddiweddaraf: Cyfeiriwch at y proffil swydd a amgaeir

Cyflog:

Rheswm dros adael (os yw'n berthnasol):

Disgyblaeth/Gallu/Diogelu:

(*Cadarnhewch gyda'ch Ymgynghorydd Adnoddau Dynol neu eich Ymgynghorydd Recriwtio cyn cwblhau)

*Gallaf gadarnhau nad oes camau gweithredu / sancsiwn ffurfiol o ran disgyblu / gallu wedi eu cofnodi ar ffeil.

*Gallaf gadarnhau fod y camau gweithredu / sancsiwn ffurfiol canlynol o ran disgyblu / gallu * wedi eu cofnodi / yn aros i gael eu cofnodi ar y ffeil*:

*Gallaf gadarnhau bod cofnod diogelu ffurfiol wedi'i gofnodi ar ffeil / yn yr arfaeth

Absenoldeb:

Nid yw'r Cyngor yn darparu manylion cofnod absenoldeb gweithiwr oni bai bod cadarnhad yn dod i law gennych chi fod y cais am wybodaeth yn sgil cynnig swydd i'r darpar-ymgeisydd a hynny gyda'i ganiatâd.

Yn gywir

<Enw>

<Teitl y Swydd>

Amg: Proffil Swydd